

孟塗後集

埽葉山房

精印

乍浦觀海

遠浪窮何處。飛雲破混茫。四圍仍內地。一氣接東洋。水石聲交戰。魚龍勢若狂。通倭此門戶。鎖鑰慎邊防。

巨艦高如屋。登臨出世寰。雲扶孤日定。波靜百靈閒。

謂普人

烟沒

島間。浮空青數點。認是海鹽山。風起洪濤激。琉璃影變黃。乾坤無上下。雲日乍陰陽。節鉞

今雄鎮。

本朝設都統駐防

瓊瑤舊法堂。湯山即靈境。不必問扶桑。

苦竹山晚眺

石塘風急舞靈鼉。萬里寒潮帶晚過。疊嶂翠含雲水濕。夕陽紅到海天多。倩妝龍女藏珠闕。灑淚蛟人織素波。亦有錦屏山上約。蓮花洋隔奈愁何。

渡海登小落伽山觀大洋作歌

海南名勝推落伽。紫雲一角天之涯。竹色到天太清潔。仙人灑墨成桃花。謂安生地靈路阻遠難至且向小普陀一醉。看山直到海中央。縱不得仙亦快意。梵宮疊起高崔巍。軒牕獨為重洋開。鵬飛沒處望無極。天邊疑有金銀臺。山前島嶼闢靈河。最小石輕壓寒重。波心幾點綠如螺。四面海風吹不動。九峰飛下排海東。直欲驅入馮夷宮。此山突立作屏障。隔空面對青濛濛。東南百道花玲瓏。霞采射浪天翻紅。全海半化金夫容。夫容蕩漾天如故。山脚穿波石猶怒。波強漱

石齒生蛟龍遙見不敢渡鐘樓上聳凌山闌笑語飄入虛無間到此方知與天接從前游境皆塵寰海雲望斷迷無界天教薄霧橫如帶遠影微茫認不真一重白氣圍天外紫濤激盪何壯哉百里未近聲先來今我身共雲盤迴詩成投向滄洲隈詞源浩瀚果如海人世何由量此才窮虛我已臻絕境坐見仙靈去來影未識蓬壺玉闕人空中自我為何等我聞仙佛珍靈墟大士得此為下都門與華頂正相向潮音清妙聽有無或云白鳥來傳信曉色飛破天模糊長虬十丈出無忌巨魚亦向東溟戲李白視鰲何太輕不義丈夫乃為餌且把釣竿待潮至潮生潮落徒悲號海寬不覺潮頭高須臾水定舟如卧暮色欲下雲衝破海氣暈日朱輪大凌波龍女顏娉婷手獻明珠衣水晶獨立不語生遙情扶我回舟入烟霧妙香作飯和甘露佛天春滿花無數何不載將春色去林巒回首瞻禪關隱約天空響珮環歸時一笑傲湖山我今真從世外還

寄朱魯岑

行年三十尚儒中痛飲狂歌對古人落莫山川吾去住崢嶸歲月汝沈淪孤帆夜雨來時夢五渚烟花別後春

時歸自楚南

好錄新詩勤掃葉開軒重待話風塵

東光山

滿懷奇境上東光河伯纔知愧望洋日月有時同出沒

每歲孟冬朔見日月合璧若九月無晦日則不見海天無處不

蒼涼普陀風景原雙美倭國文詞自一方

在姚卿園家見琉球國詩稿

聞說極東山似火有人親到沃焦傍

過陳山

層巒獨立露澄清。空際無風自有聲。星月共珠浮海出。鯨鯨挾浪踏山行。潭深長有金鱗浴。霧濕難教玉宇晴。如此曠觀足遺世。男兒那得戀浮名。

舟中贈雲起

吳越名區欲徧尋。且攜舊雨共登臨。出羣君自親風雅。渡海人誰試淺深。歸路客心勤計日。時雲起將返江寧度歲殘冬歲月貴如金。回舟尚有江山約。好聽蒼龍水上吟。

海虞口占

海虞曉色傍城開。山勢參差欲壓臺。界斷烟巒青一角。風光齊到女牆來。

過虞山有懷

絳雲勝迹久滄桑。故址人猶認夕陽。紅豆山莊自來去。多情只弔柳枝娘。

書感

男兒七尺氣昂藏。學佛求仙兩未遑。便擬入山卧風月。枉拋全力事文章。諸君雅望宜鐘鼎。餘子多才亦棟梁。短棹漁歌歸獨晚。五湖煙水正蒼蒼。

自東流入徽州山中

地鎖千重險。山開四面城。有天通出入。隔嶺判陰晴。境向峯前轉。風從足下生。探奇為乘興。不是愛長征。風土殊三楚。林巒別一天。樓臺富春色。村落聚人煙。道遠皆眠石。山多惜占田。

空餘舊桃萼獨秀冷巖邊

石作紫霞色溪流碧玉環人行煙靄外春倦雨聲間地險遲飛

鳥愁多比亂山邊隅足風物憑眺且開顏

盡日窮幽僻風來聞暗香雜花開滿徑老樹卧

斜陽亭已迷昏曉墳猶認晉唐由來兵革少地不管興亡

絕頂裂成澗懸流百道分月明

孤影現夜靜虎聲聞草宿嶺頭雨人耕天上雲尚憐汪越國祠宇閉斜曛

過齊雲山

碧雲深鎖護靈墟百鳥銜花迹有無多少奇峯看不盡神祠日暮集啼鳥

游黃山登蓮花峯抵煉丹臺

我從海上浮舟還靈氣隱隱生袖間胸中鬱怒洩不盡更欲走險窮黃山黃山之奇絕地紀太

華以外無其比只因地僻游人稀翻使仙靈占全美今我來自萬山裏白雲一見為驚起初從

湯口望空冥青鸞紫石

峯名

紛縱橫振衣直到天門限諸峯漸與人身平溫泉浴罷餘芳烈洞口

玉簾垂不絕懸流倒挂落深潭白龍渴飲千丈雪

龍潭名

丹霞

峯名

一道遙插空朱砂桃花

二峯名

映紅天公亦恐山寂寞濃妝作態同春工文殊院聳何龍從獅象怒立疑爭雄前有高臺後玉


屏屏上咳唾生天風俯視但覺青濛濛蓮花在右天都左兩峯之中唯夾我我欲醉上絕頂眠

山僧止余曰不可天都峻絕行路窮峯巔自古無游蹤此是山靈心吝惜閉徑不與人世通惟

有蓮花可相從石門穿過行甕中出洞入天透石腹乃能足躡青芙蓉芙蓉直上望無極江水

遙黃海雲黑人在蓮心低處立千朵中天闢顏色須臾日空山難遮滿峯齊吐金蓮花石瓣中

開含雲霞。瓊瑤作膚石。作骨露洗花。房翠如活。忽然風起。吹仙闕。蓮花搖蕩。態自閒。我身不動。
將花攀。恐隨蓮隊。落人寰。旁有一峯似蓮蕊。壁立直削青。見底萬古含苞。若處子。更有蓮葉形。
低眠。葉中不雨。長留泉。氣與風勢相周旋。興闌纔下雲梯級。鰲魚出洞。作人立。謂鰲魚洞神鴉引上。
平天崗。到此地濶無低昂。雲氣鋪海天汪洋。其餘怪石各千出。人鬼禽獸難具述。境奇一步即。
換形。三十六峯無複筆。我游未盡神已疲。歸路草草穿翠微。容成浮邱二峯名。留不住。答云去浣。
青蘿衣。峯頭老人向余笑。山中有似老人峯。似為此游誇奇妙。我對無言發長嘯。戲將澗口卧龍松。與翁。
相較。誰年少。百花洞口多奇香。山中靈樂仙人糧。聞有異花三百種。畫工圖去今無芳。名山遇。
合亦由數。別君咫尺屢回顧。出山醉作黃海歌。寫來滿紙是雲霧。



孟塗後集卷十八

桐城劉開明東

寄陳碩士編修

薊門秋色接龍舒。兩地離懷托雁魚。館閣仍留天下望。拾遺曾上舊時書。一春桃李看重植。校春六月芙蓉伴索居。獨恨金臺言別後。三年蹤跡尚樵漁。開潦倒頻蒙惜楚冠。看君隻手障波瀾。文章並派同心折。貴賤論交共歲寒。南國聲華誰領袖。少年卿相自長安。關情卻憶金陵路。祇恐羊曇淚未乾。謂姬傳夫子

金陵口占

秣陵原是舊吳宮。花月南朝自始終。楊柳拂天空夕照。芙蓉帶露別秋風。千年興廢成詩史。一代馨香奉鬼雄。謂蔣祠獨羨小喬得佳婿。歌詞艷唱大江東。

客中憶昔

卧聞帝子雲中瑟。醉謝梁王座上杯。萬里我猶嫌路短。四時天易縱秋來。思家節候江流急。落葉關河雁別哀。辛苦少陵多感慨。登臨愁到最高臺。

題周南卿品茶圖

午牕睡起閒花落。酒香不解秋懷渴。茶鐺風細爐烟清。半甌綠淺濃如酪。東坡酷愛密雲龍。君之嗜好毋乃同。茶經熟讀意未足。製器精巧非人工。飲雖小道總師古。我宗杜康君陸羽。座上

休誇醒酒功。酌久纔知味甘苦。品茶品水。須兩全。水清宜用活火煎。問君日試西湖水。何似金山第一泉。

過陽湖弔惲子居明府

聞笛山陽灑淚過。高談憶昔共關河。一官夢境同蕉鹿。千載文名亦逝波。歸去江南新著少。邇來泉下故人多。玉樓作賦原常例。卻恐瓊臺令又苛。

哭王悔生先生

大雅終何屬。吾鄉喪老成。千秋存隻字。孤月照平生。世俗爭浮艷。空山冷舊盟。西風重灑涕。不是為交情。

早歲騰華譽。才空萬馬羣。游窮黃海日。

先生前後在徽最久

歸卧碧天雲。一別思傳語。重

泉可再聞。向來酬唱意。獨坐對斜曛。

白首遺經在。名山閱古今。枯桐留正響。老樹識秋心。

竟逐風雲去。徒令歲月深。膝前有名驥。已喜作龍吟。

知己半寥落。先生今又歸。此心惟自

許。吾道復誰依。井底蛙空噪。天邊鶴獨飛。恐勞魂入夢。不許掩柴扉。

存歿論身世。艱辛此

一官。家貧長物少。星落大江寒。飄渺珊瑚筆。淒涼苜蓿盤。焚將數行字。地下問平安。

過岐嶺

飛巖疊起逼高穹。絕頂中開出梵宮。積氣千重生雨露。晴嵐一道劃舒桐。

桐城與舒城川原出此嶺分界

沒寒鴉。外。身世蒼茫曉炤中。便欲憑虛逐雲去。金雞啼罷舞天風。

俗名嶺為金雞嶺

自西湯池入小河口宿道中

懸崖直下吼泉聲。二水交流作勢迎。地入荒原稀見樹。山當僻路半無名。親朋寥濶疏音問。客夢驚疑昧死生。時夢亡友張小曉起渡河更回首峯巔雲破有人行

酬伯昂侍講見贈之作即送入都

霄漢神交各十年。君臨京洛我游燕。余丙子入都時君視學河南未及相見豈知一夕論文地。仍是三春故國天。絕塞河山皆舊識謂主試陝甘中州人物定誰先。風雲此處前途護。珍重詩名北斗邊。

奉懷桂舲先生

江波浩蕩海雲深。都是龍門別後心。一曲人間新製操。十年天上舊知音。布春能使秋臺暖。覆物真同夏日陰。我識荊州原未晚。鉛刀無分作南金。大雅瑤壇孰主裁。先生巨筆掃雲開。中天鸞鳳隨簫至。南海珊瑚入網來。先生曾好古襟懷澄水月。憐才意氣動風雷。少陵舊感章公遇。三十功名志肯灰。

書懷

已窮紫塞更滄洲。南北關河感壯游。客路最難平意氣。英雄未免重恩仇。酒杯事業償青史。詩卷功勲累黑頭。亦有防身長劍在。斬蛟不用試吳鉤。

贈召虎

召虎為亡友張阮林之子。端謹早慧。今隨其舅氏伯昂太史入都。感今懷昔。不勝淒然。因賦此贈之。即以送行。

曾同阮籍醉斜曛。別去人天事莫論。四海獨憐吾浪跡。十年喜見汝能文。聞呼父執心翻痛。說到京華手易分。雖鳳聲清出丹穴。風高前路即青雲。

許叔翹將游粵東與余遇於皖上盤桓累月別去寄之以詩

紛紛樹立看兒曹。白髮談兵首自搔。話到風塵頻灑淚。興來江閣忽飛濤。能知恩義惟名馬。不耐愁煩是寶刀。我已三年豪氣減。因君詩思逼天高。

寄鶴樵中丞

使者東瀛又步春。濟南威望一時新。調停近海三齊俗。鄭重焚香五夜身。帶甲人多誇勇悍。魚鹽政易返清淳。民間疾苦應勤告。公本西垣舊諫臣。

雜咏

萬疊山環春水深。懷人天末信初沈。聲華舉世交推日。事業中宵獨坐心。孤鳳不飛原有待。蒼龍未老任高吟。君看司馬游梁倦。天子親征賦上林。層軒四壁起秋濤。拔劍寒生氣獨豪。歸客南來春雁盡。中原北去浪雲高。朝廷已切蒼生慮。都尉休辭白日勞。聞說詔書嚴黜陟。城中持節幾吾曹。憶昨浮舟大海還。鯨鯨不動水天閒。虛傳身到蓬瀛外。豈有文懸日月間。倦後逃名甘白屋。歸來謝病卧青山。邛隣野老時相訊。為報柴門草不刪。長安風雨故園身。兩地愁連句各新。客裏夢寒今憶別。江南花落我留春。無情歲月消明鏡。有壽文章讓古人。抱得龍門書一冊。平生託契更誰親。

康衢

康衢衮衮盡龍媒。超軼誰為出世才。將相功名原瓦石。神仙富貴在樓臺。風吹遠島金霞動。日射扶桑玉宇開。最是天宮破資格。聖凡都許向蓬萊。

寄呈英煦齋先生

燕山萬疊擁神京。中有卿雲捧日明。九殿恩隆天有色。五城令肅夜無聲。韋平事業看重繼。韓富勲名羨早成。手轉鴻鈞扶紫極。獨能青眼向儒生。相馬曾空冀北羣。生平高誼薄風雲。勝收龍虎三千士。卻領貔貅百萬軍。紫禁論功褒語在。黑頭憂國寸心勤。如何李白烏棲曲。也辱中朝賀監聞。敢誇注易飲三交。卻為逃名賦解嘲。古樹雲陰棲老鶴。空山雨氣鬱潛蛟。高軒有句驚韓愈。矮屋無緣比孟郊。若使九方頻許顧。龍媒豈定出蒲梢。

章門喜晤雪盃即贈

豈不樂歡宴。其如別促何。語因深夜切。才為有情多。好句思千古。名山愧再過。良時須努力。吾已悔煙波。

尚僑客以五言古體見贈詩以酬之

身世無端此一樽。天教會合始章門。縑塵我已憎行色。青史君能雪舊冤。謂三國志辨微涼夜難忘溫後酒。關心最是別時言。片帆歸看梅花發。定憶相尋話夕曛。

不寐

無術消長夜殘燈照夢青。不愁千里遠翻畏五更醒枕上成詩易階前又雨停。明朝故人約載酒且江寧。

如此

如此還為客。男兒亦足羞。同游多建節。壯志獨扁舟。作賦空黃絹。騎人但黑頭。茫茫今古恨。不肯付東流。

題雪盃詩卷

抱得高秋獨繭琴。十年吾忝作知音。不圖南國飛鴻印。又聽西山別鶴吟。月好尚思前夜句。酒多無奈醒時心。留題珍重臨岐意。門外章江爾許深。

贈張雲齋

不謂江天濶。新知獨此人。文章空意氣。吾輩合風塵。哀樂非關別。窮愁勉愛身。詩囊富煙月。休歎一官貧。

楚南懷古

瀟湘風景富波濤。石色青紅壓半篙。地有大詞開戰國。天生芳草為離騷。江聲北去羣流集。山勢南盤萬疊高。欲乞靈均佩難得。更誰步馬憶蘭皋。弔古愁登望遠亭。悲來卷裏鬱風霆。天當七國原難問。人異三閭敢獨醒。佛嶺露高全楚白。巴陵水接遠山青。金盤玉筍游何益。終有奇懷破八溟。岳陽樓上俯平川。五渚三湘勢總連。夜久波光齊襯月。曉來水氣盡成煙。

乾坤浩蕩偏宜客。身世空靈合遇仙。到此漫言懷抱闊。飽吞雲夢已多年。

倚檻臨風感物

華。弱年爭弔賈長沙。並時誰肯憐王佐。異代人猶惜漢家。謫宦至今悲地濕。粗才如我亦天涯。

休論作賦投書事。寥落湘江日影斜。

長風吹送洞庭舟。勢截洪濤去不留。日月晦明千里

氣。水天分合一湖秋。仙峯遠近誰朱鳥。人世行藏有白鷗。盼到高空飛翠沒。君山隱約等浮沤。

雲中鼓瑟憶湘靈。曲奏蒼龍隔水聽。天外乍寒聲嫋嫋。湖心獨立霧冥冥。千年山色連空

碧。一點眉痕太古青。愁絕瓊宮最深處。露涼秋重濕娉婷。

聞道衡陽近九垓。仙人花藥閉

蒼苔。朱陵闕洞成深室。紫蓋擎天卷怒雷。日出未高雲下走。雁飛不到我南來。古今都笑山靈

吝。只為昌黎面一開。

九疑峯勢聳千尋。草長寒連曲徑深。雲氣入林天自遠。露壇積翠日

長陰。文章斑竹雙妃淚。風雨蒼梧萬古心。我有多詞陳未得。匣中新貯五弦琴。

長江已過

厓。新灘險入三門路。幾盤蘿薜未逢山鬼笑。蕙蘭宜作美人看。孤芳未末清秋晚。大澤雲陰白

日寒。何似潭州褚都督。池頭詩思海天寬。

紫雲剝落白霞新。

皆山一路煙巒入望頻。言鳥

巧呼舟上客。蠻花紅識漢時人。瓊瑤祠宇都成俗。沙石山川亦受春。可笑桃源仙宅陋。等閒漁

父許尋津。

蓮花峯險未堪攀。採得芙蓉意自閒。近嶺風煙疑有瘴。出湖曉氣欲移山。人來

湘水騷情發。草遇王孫古恨刪。太息永州谿壑勝。柳侯謫後始開顏。

咏柳毅

綃縠明璫想夙因。憐才惟有洞庭神。三生雲水猜疑事。一夕仙凡婉孌春。不信通辭惟橘樹。翻

教尺素作冰人。珠宮遇合原無定。柳毅當年下第身。

贛州喜晤王子卿太守即用留別

枯桐那作鳳鸞吟。天末孤琴有賞音。千里行因知己緩。五年交到此時深。高才領郡隆勳績。異國同鄉識素襟。二水流長山萬疊。一樽難盡對談心。
黃樓自昔認坡仙。謂在徐州別後相思又
各天。愧我虛名消半世。感公一語足千年。海雲浩蕩驚詩思。夜火高吟共酒筵。不向瑤壇逢舊識。憐才肯信古人偏。

抵寧都贈夢白刺史

片帆飛入萬山來。直為尋君住水隈。路石青連高士宅。
謂三魏故居夜燈紅照故人杯。望中崖洞迷仙迹。
謂金精洞別後風雲展吏才。漫怪論文語難盡。三年懷抱到今開。

游金精洞作歌

海內名山游欲窮。來此徑探瓊瑤宮。山勢拔地都成峯。一十二瓣金芙蓉。唯此女仙廬。其中洞門雖開雲長封。雙桃色帶西漢紅。
城內有雙桃石漢仙女張麗英遺跡卻聘上昇果真否。傳聞豈必盡烏有。安知仙人非好名。借此留奇千載後。金精得名二千春。琪花開老無纖塵。我來猶欲叩蒼昊。金星曾降為李白。如何先幻作女身。母乃天仙弄狡獪。要使才人詩境新。入洞數武已驚異。穿過雲根阻塵世。忽然天日中開顏。又從世外來人間。丹崖青嶂誰位置。似有神工非人意。一碧從空削到地。四圍山色方大天。石髮數縷空際懸。山腰一縫忽中裂。滴下千尺飛來泉。墜如細雨散如

煙我坐石上對雲樹舉杯吊古感仙遊山靈怪我來何遲中有夙因人不知天臺之游既未果
此行恍與仙風期身騎紫雲歸瑤池令人想見冰玉姿環珮一去鬢雲冷好山無復青蛾眉我
今有語書絕壁麗英見之應嘆惜乘鸞爾已成仙姬題詩我尚為游客洞天原自在人寰仙凡
但隔一層石咫尺不見奈山河神草靈芝空復多不須更說天臺約眼底誰傳石鼓歌

石鼓詩
即麗英作

登翠微峯頂

翠微直起勢孤懸山腹微開日影穿石聳四圍皆峭壁人從一線上青天羣巒爭欲分煙靄逸
士真能比地仙

即魏叔子
避亂處

不信桃源在空際避秦絕頂足風煙

喜晤蔣淥初明府即席有贈

七年纔得共芳樽宦海名場總莫論父老爭傳賢令尹故人猶是舊王孫雲霄事業孤懷淡江
海文章幾派存便欲辭君徑東下萬重飛翠鎖前邨

過灘口占

章貢波濤走復回扁舟無日不風雷如今應識人間險十八灘頭兩度來

答黃石怡見贈之作

乍見驚猜認轉疑翻因久別等新知八年雲水難言事一日江天痛飲時劍氣怒憑杯酒出燈
光寒耐夜風吹深談反覺當時淺從此論交重後期

留別尹若亭明府

歲月迢迢促去輪。征途欲發尚逡巡。自知才拙難宜俗。轉為名高學避人。兩度雲山驚客至。十年風雨獨君親。關河歷遍休相惜。贏得精金百鍊身。

贈介石

爾我重高會。江天幾嘯歌。詩緣為客富。酒到異鄉多。小住宜書刺。為歡艷綺羅。時已盛年好風日青鬢莫蹉跎。

送雲齋之貴溪

徹骨冰霜滿面塵。相逢各訝客中身。路逢知己休言困。人是深交敢諱貧。一鳥趁飛將暮日。萬花爭待未來春。扁舟去訪仙靈宅。時奉檄之知否名山悟夙因。

將抵大雷寄內

歷盡艱虞事總違。十年累汝製征衣。本非是聚何為別。容易相違不算歸。倦後辭家孤夙願。愁中忍淚對斜暉。如今且喜雷池近。內子家免向高樓數雁飛。饑驅憶昔泛扁舟。不是蕭郎愛遠遊。勸隱多時催買宅。求名早歲薄封侯。高堂眠食應縈夢。小婢追隨未解愁。聞却空庭好秋色。來時雲影在簾鉤。落花時節病經旬。減盡腰圍為惜春。偶聽恩仇心激烈。每因兒女淚酸辛。謂女珠兒早殤良宵未必愁能遣。好夢由來記不真。擬向妝樓更開牖。畫眉須襯月華新。歸寧曾記話悲歡。趕到鄉園又歲闌。寒夜挑燈今昔共。貧家作婦笑啼難。重提往事還生感。已